



**Volumen Epistolarum, Qvas Romani Pontifices, Gregorivs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorvm, Carolvm Martellvm, ...**

Gretser, Jacob

[München], 1613

Item exemplar Epistolæ Adriani Papæ ad Egilam Episcopum in partibus
Spaniæ missæ, profide orthodoxa tenenda, & pro ieunio VI. Feria &
Sabbatho, celebrando. XCV.

[urn:nbn:de:hbz:466:1-65166](https://nbn-resolving.de/urn:nbn:de:hbz:466:1-65166)

Item exemplar Epistola Adriani Papæ ad

Egilam Episcopum in partibus * Spanie missæ, profi-
de orthodoxatenenda, & pro ieiunio VI. Feria
& Sabbatho, celebrando.

XCV.

ADRIANVS Episcopus seruus seruorum Dei
dilectissimo Egilæ Episcopo. Dudum præci-
pua gnaraq; dilectio tua ad sedem Apostoli-
cam, quæ est caput totius Dei Ecclesiarum, directos af-
fatus, secundum vibrantissimam fidem, quam erga-
B. Petrum, Apostolorum principem, & nos ex intimo
gerit corde, cum nimio amore suscepimus, ad ea, quæ
eius poposcit sollertia, ex diuino fonte oriri nitidius
ac saluberrimè sanctæ nostræ Catholicæ & Apostolice
Ecclesiæ * olitano ritu, orthodoxæ fidei exarantes, imo * retusio.
sanctorum patrum venerandam institutionem sine
macula speculantes, per earum, tunc transuictores,
tuæ emisimus almitati; & quoniam, ut fertur, nequa-
quam ipsi Apostolici ad te profecti sunt apices, nostris
eos habentes Registris exaratos, infra rescribentes, per
harum gerulos, scilicet Bellerefonsum seu Iohannem
clericum direximus denuo; sicut nobis per fidelissi-
mum Missum suum, videlicet reuerentissimum & san-
ctissimum Petrum, Ticinensis Ecclesiæ Episcopum,
præcellentissimus ac præfulgidus filius, & spiritalis
Compater noster Dominus Carolus Rex Francorum
& Langobardorum, ac Patricius Romanorum, pro
tua insigni dilectione poscendum emisit, & per eius
regale adminiculum, tuis fauentes votis, adimplere
prosperius studuimus. Illos vero procaces ac hereticos ho-
mines, qui tuam subuertere nituntur orthodoxam fi-
dem,

x 3

dem, & vndique te coartantes⁹, angustias & varias tempestates seminant, Apostolico indutus precepto, simulque Apostolicis imbutus disciplinis¹⁰, seu saluberrimis orthodoxæ fidei sanctorum Patrum repletus institutis, eos, qui tuas noluerint amplecti rectæ fidei prædicationes, post vnam & secundam admonitionem seu increpationem, tamquam ethnicos & publicanos deputans, habeto pro nihilo eorum infrunitas insidias, Propheta testante, qui ait: *Si autem adnuntianeris impio, & ille non fuerit conuersus ab impietate sua, & à via sua impia, ipse quidem in impietate sua morietur, tu autem animam tuam liberasti: quatenus oportet te, vas electionis,* B. Pauli Apostoli iimitari præcepta ac vestigia sequi: *Subtrahere te ab omni fratre ambulante inordinate.* Et constans esto: *Quia diligentibus Deum omnia cooperantur in bonum.* Potius, nempè si doctrinam sanctæ Catholicæ & Apostolicæ Romanæ Ecclesiæ secutus fueris, nō timebis mala, quia fortissimus auctor ac eius fundator, B. Petrus, claviger regni cœlorum, tecum *Matth. 4.18.* est, vsq; in finem Domino pollicente: *Ecce ego vobiscum sum omnibus diebus, usque ad consummationem seculi.* Nulla quippe hebetudo, atque qualibet ambiguitas¹¹ ascendet in suauissimam sacramque mentem tuam, eo quod beati, qui persecutionem patiuntur propter iustitiam, quoniam ipsorum est regnum cœlorum. Et iterum: *Sancti per fidem vicerunt regna, &c.*

Porro in ipsis referebatur apicibus tuis, qualiter vobis nimis intentio est de sexta Feria & Sabbatho, quod istos duos dies dicimus ieunio mancipandos¹². Nequaquam hæreticorum hominum ignauiam, atque impiam peruersamque amentiam, inanesque ac mendaces sequere fabulas, sed magis doctorum nostro-

strorum, sanctorum Patrum, sicut nobis intimant, videlicet B. Sylvestri, atque Innocentij Papæ, pariterq; almi Hieronymi seu Isidori diuinos sermones annete, & ex nostra Apostolica olitana regula, Sabbatho ieuhare, firmiter atque procul dubio tenens tua non desinat sanctitas; si enim à regia non vis discedere via, prædictorum sanctorum Patrum censuram non deseris, & beati Augustini opuscula legere non prætermittas, vbi egregium prædicatorem atque doctorem suum, sanctum Ambrosium, meminit pro Ieiunio Sabbathi sanctam Catholicam & Apostolicam nostram Romanam nimis laudasse Ecclesiam, & quia, gerente Spiritu sancto, nullis tentationibus superari tuam almitatem coniicimus, eas, quas superius polliciti sumus, liquida exarationis pagina instituemus series.

Item exemplar Epistole Adriani Papæ ad Egilam Episcopum, seu Iohannem Presbyterum, de eorum sa- cratione, vel constantia in partibus Spanie prædicandum, & de Paschali festiuitate, & de prædestinatione hominis, siue ad bonum, siue ad malū, & de coninquisitione eorum tam in eis, quamq; in potu, seu & de diversis erroribus & de eorum Pseudosacerdotibus qui viuente viro sortiuntur uxores, & de libertate arbitrij, vel multis aliis capitulis in partibus illis contra fidem Catholi- cam ortis.

X C VI.

ADIANVS Episcopus seruus seruorū Dei dilectissimo nobis Egile Episcopo, seu Ioāni Presbytero. Audientes orthodoxā vestre dilectionis in Christo constantiā, atq; ita vos antiquę fidei cōmunio-

*Memine-
runt huic
Epistola
Bar. &
Cent.*